## 45. Ulrich VII. von Sax-Hohensax und seine Ehefrau Agnes von Windegg verkaufen den Einwohnern von Sax die Alp Tafrus (Roslenalp) für 125 Rheinische Gulden

## 1442 November 6

Ulrich VII. von Sax-Hohensax, Sohn von Wilhelm I., und seine Ehefrau Agnes von Windegg verkaufen für 125 Rheinische Gulden die Alp Tafrus (Roslenalp) an die namentlich genannten Einwohner von Sax: Heinz Kammerer, schön Hans, Hans Huber, Ulrich, der alte Schuhmacher, Hans Forrer, Walter der alte Moser, Frick, Berneggers Kinder, Hans Messner, Melchior und Hans Müller, Hans Schuhmacher, Ulrich Schwarz, Ulrich Giger, Heinrich Tauer (Tower), Elisabeth Kraft, die Leimgruber, Hans Jäckli genannt Ursiler, Ulrich Messners Töchter, Anna Schmuck, Ulrich Fuchs, Rudolf Haldner, Heinz und Hans Haldner, Walter (Wälti) Haldner, Ulrich Moser, der Junge, Margareth Lienhard, Ulrich Huber, Martin Sankt Johanner, Stefan und Agnes Schmeer, Margaretha Frick, die Tochter des verstorbenen Schwarz, Hans und Elisabeth Tauer, die Kinder des verstorbenen Hans Tauer, Hans Amberg, Elisabeth Giger und ihre Kinder, Anna Moser, Walter Mosers Tochter, Erhart Schlegel, Hans Jäcklis Sohn in Haag, Hans Stafer, Ulrich Grau, Hans Schönhans, Peter Schlegel, der Junge, Hans und Jörg Schärli, Hans Sant Johanner, der Junge, Luzi Kessler, Adelheit Müller, die Kinder des verstorbenen Jörg Bernegger, Agnes Jäckli, Hans Riegel, Michael Anderhalden. Die Alp wird verkauft mit allen Rechten ausgenommen eines Fünftels, der Hans Tumb (von Neuburg) und seiner Ehefrau Kunigunde von Altstätten, genannt Meierin, gehört. Die Käufer müssen jährlich auf Sankt Jakobstag (25.7.) ein Scheffel Schmalz, 24 Alpkäse und 4 Ziger auf eigene Kosten ins Dorf Sax liefern. Alle Personen wohnen in Sax zwischen dem Walenbach, dem Huebbach und den Erlen. Wer aus diesen drei Grenzen zieht, verliert das Alprecht. Zieht die Person zurück, bekommt sie die Rechte zurück.

Der Aussteller siegelt. Für Agnes von Windegg siegelt Heinrich von Windegg.

1. Der Verkauf der Roslenalp (Alp Tafrus) ist aus mehrfacher Hinsicht interessant: Es werden nicht nur die Grenzen von Sax sowie der Roslenalp beschrieben, sondern auch alle an dem Kauf beteiligten Einwohner von Sax aufgezählt, die innerhalb des Walenbachs, des Huebbachs und Erlen wohnen. 1452 nennen sich die Besitzer der Alp nachgepüren alle ze Sax, mann und wib, jung und alt lüt, so denne jetzo deselbe zu Sax entzwüschendt dem Walhenbach und dem Hůbbach und ob dem Erla hußhablich und seßhafft sind (StASG AA 2 A 1-4b). Im Schiedsspruch von 1476 (SSRQ SG III/4 69) heisst es, die Alp sei von denen von Sax gekauft worden, was sich auf die Bürgergemeinde Sax bezieht. Heute ist die Alp im Besitz der Ortsgemeinde Sax.

Über die Roslenalp sind sonst kaum Quellen erhalten (im Zusammenhang mit der Freiherrschaft Frischenberg bzw. mit Verpfändung/Verkauf der ganzen Freiherrschaft Sax-Forstegg erwähnt: SSRQ SG III/4 50; SSRQ SG III/4 64; SSRQ SG III/4 158).

2. Die Alpen in Werdenberg, Sax-Forstegg und Hohensax-Gams werden gegen Ende des 14. Jh. und im 15. Jh. von den erstarkenden Gemeinden oder Privaten durch Erblehen (vgl. SSRQ SG III/4 12; SSRQ SG III/4 43) oder Kauf vom jeweiligen Grundherrn erworben. Um 1401 z. B. kauft Ammann Hans von Wartau von Graf Rudolf II. von Werdenberg-Heiligenberg Güter am Walserberg und auf Palfris (KA Werdenberg im OA Grabs Nr. 10-11). Die um 1414 verpfändete Alp Plattegg wird 1530 durch Glarus den Pfandinhabern verkauft (StASG AA 3 A 12c-4-1; PA Hilty S 006/011, gedruckt bei Litscher 1919, S. 131–134) und mit der Alp Arin zusammengelegt (Gabathuler 2011, S. 250–251). 1523 verkauft Ulrich VIII. von Sax-Hohensax den Alpzins von zwei Vierteln Schmalz an die Alpgenossen, die recht und gerechtikait hand in den zwyen alpen genant die ain Aidinen, die ander im Ror (StASG AA 2a U 10) und 1564 kaufen zwei Seveler die Alp Arin, sechs Stösse auf Plattegg, um 120 Gulden (StASG AA 3 A 12c-4-2). Spätere Alpkäufe: StASG AA 2a U 20; KA Werdenberg im OA Grabs 11-03 (19.07.1599).

Ich, Ülrich von Sagx, Wilhalms von Sagx såliger gedåchtnusse elicher sun, und ich, Agnes von Windegke, sin eliche gemahel, verjehendt offennlich mit

disem brieve für uns und alle unser erben und nachkomen und tund kundt allermenglichem, das wir mit zitlicher vorbetrachtunge, wolbedachter synne und müt und gemainlich in alle anderen wise und form, als das jetzunt und hienach erwiklich an allen stetten und enden, ouch vor allen lüten und gerichten, gaistlichen und weltlichen, und allenthalben gantz und güt crafft und macht hat, haben sol und mag, disen nachgeschribnen personen und lüten allen mit namen

Haintzen Kamrer, schön Henslin, Hannsen Hüber, Ülin, dem alten schümacher, Hannsen Furer, Wältin, dem alten Moser, Ffrigken, des alten Bernegkers elichen kinden, Hannsen Mesner, Melchior und Hannsen, den Müllern gebrüdern, Hannsen Schumacher, Ülin Swartzen, Ülin Giger, Hainrichen Tower, Els Kråfftinen, den Laimgrûbern, Hannsen Jåklis genant Ursilers, Üli Mesners elichen dochtran, Annen Schmukerinen, Ülin Füchs, Rüdin Haldner, Haintzen und Hannsen, den Haldner, Weltin Haldner, Ülin Moser, dem jungen, Greth Lienhartinen, Ülin Huber, Martin Santjohanner, Steffan Schmer und Nesen, siner swöster, Greth Frigken, Swartzen såligen elichen dochter, Hannsen und Elsinen, Hannsen Towers såligen elichen kinden, Hannsen am Berg, Els Gigerinen und iren elichen kinden und Annen Moserinen, des vorgenannten Weltis Mosers elichen dochter, Erharten Schlegil, Hannsen Jåklis sun im Hag, Hannsen Stäfer, Ülrichen Grawen, Hannsen Schönheüslin, dem jungen Petern Slegil, Hannsen und Jörgen, den Schärlin, Hannsen Santjohanner, den jungen, Lutzen Kessler, Ållinen Mullerinen, Jörgen Bernegkers såligen elichen kinden, Nesen Jåklinen, Hansen Rigel und Micheln An der Halden und allen iren elichen wiben und aller iro aller erben und nachkomen, die jetztgenannten personen alle sesshafft sind ze Sax entzwüschent dem Walhenbach und dem Hübbach und dem Erla,

ains ufrechten, ståten, ewigen, unabgenden, jemmerwerenden kouffs in crafft und macht dis brieffs, recht und redlich verkoufft und ze kouffend gegeben hand unsre aigne alp, die man gewonlich nempt und genant ist Tafruss, in Saxer kilchspel gelegen, doch darinne usbenomen und hindan gesetzet ain funfftentail. Der selb funfftentail vormals dem vesten Hannsen Thummen und frow Kungunden von Altstetten, genant Mayerin, siner elichen gemahel, zugehörendt ist.

Und stost die selb alp alle niderwert an ain kånel an ain stig und den selben kånel hinuff an Schalfeder Boden und dannen uffhin, als sitt und gewonlich ist, untz uff Planker Pösch uffwert uff Krinnen und stost untz an das joch. Und stost aber ze ainer siten an Gräyalp und von Grayalp zwüschent Grüben und Tesel an das Egkli, stost aber ze ainer siten an die Roten Löwi an die Hohen Egk, denn dannenhin abhin untz uff Platten an den kånel, dannenhin ushin untz uff den egenanten stig.

Die benanten alp in den jetztgenannten marken, zaichen und underschaiden, als vor stât, mit grund und grat, wunn und waid, holtz und veld, steg und weg, mit waser und zwig, mit stig und gengen, mit stögk und stainen, mit gestúd und gerut, mit trosen, mit poschen, mit scherinen, mit gezimber, gemurde, tach und gemach und mit allen rechten, nutzen, früchten, genüchtsamy, ehafftinen und zügehörden, benempten und unbenempten, überal nütz usgenomen noch hindan gesetzt und als für ledig, los und unverkümbert richtig und recht aigen quot, also und in sölicher mâs, das sy, ouch ir erben und nachkomen die selben alp Tafrussen in den vorgenanten marken und zaichen mit aller zügehörd, doch usbenomen den funfftentail, als vor ouch gemeldot ist, nun furohin zu ewigen zyten gewaltiklich inn haben, nutzen, niessen, besetzen und entzetzen, versetzen, verkouffen und iren nutz und fromen damit und darus schaffen, thun und laussen söllendt und mügendt, was inen nutzlich und fügklich ist als mit anderm irem aigen gut âne unser, ouch unserer erben und nachkomen und menglichs von unsert wegen sumen, irren und widersprechen, doch mit sölichem geding, beschaidenhait und namlichen fürworten, das die obgenannten personen alle gemainlich und ir erben ald wer die vorgenannten alp Tafrussen in mås, als vor stâut, nach inen denne zemal je inhends hât und nússet, úns, ouch únsern erben und nachkomen nun furohin järlich ewiklich und jeglichs järs besunders je uff sandt Jacobs des merern zwölffbotten tag [25. Juli] ald in den nechsten vierzehen tagen, davor ald darnach, ungevarlich darus, ab und davon söllendt richten, zinsen und geben und ze Sax im dorff zu unser ald unserer gewissen potten handen und gewalt antwürten, gar und gantzlich one allen unsern costen und schaden ainen schöffil guts alpsmaltzes Veltkircher gewicht und vier und zwaintzig alpkås und vier ziger, alles des molkens und werschafft, so man denne in der selben alp Tafrussen jarlich machet ungevarlich. Wan welchs jars das also jårlich in jetzberurter wise nit beschech uber lang oder kurtz zit, so ist uns und unsern erben und nachkomen die vorgenant alp Taffrussen in den obgenannten marken und zaichen, doch usbenomen darinne ainen funfften taile, als denn vor ouch beschaiden ist, zinsfellig worden und denn dannenhin mit grund und grät und mit allen obgeschribnen rechten und zügehörden ze rechtem, ewigen, lutern aigen immer me wider zů unsern handen gefallen und verfallen ane iro aller und aller irô erben und menglichs von irô wegen sumen, irren und widersprechen.

Und ist diser ewiger kouff alsus beschehen und vollfurt worden umb hundert und funff und zwaintzig alles italiger, güter, genger und gnämer Rinscher guldin, derô wir aller von inen allen allersampt nutzlich gar und gantzlich bezalt und gewert sind. Und damitt wir unsern merglichen und anligenden schaden, der uns anlag, damitt furkomen und understanden habendt und darumb, so söllent und wellendt wir, ouch unser erben und nachkomen derô obgenanten köffer und köfferinen aller und aller iro erben und nachkomen, diß kouffs und

aller obgeschribner ding gůt, krefftig und getruw weren und versprecher sin uff allen gerichten, gaistlichen und weltlichen, und allenthalben was, wie und gegen wemm, als vil und digk sy des jemer bedurffent ald notdurfftig werdent, nâch dem rechten in unsern costen âne iren schaden by unsern guten truwen an intrag furzug und widerred ungefarlich.

Es sol ouch månglichem ze wissendt sin, das in sonderhait in disem kouff berett und gedingt worden ist, ob sich fågen ald schikken wurd, das die obgenanten kåuffer ald kåufferin ald ir erben und nåchkomen ir ains ald me sich wider über die obgenanten drig marken und zaichen, das ist zwüschent dem Walhenbach und dem Håbbach und ob dem Erla, hinus zuhind und mit husrochi wurdint sitzen ald ir wesen haben, als lang sich das verzug und also ussrent den selben marken und zaichen wårindt, das oder die, als vil denn derô wårindt, söllent denn dannenhin enkain rechtung, vordrung und ansprach zů, an und in der vorgenanten alp Tafrussen dannenthin nitt haben noch gewinnen, weder mit noch on recht, gaistlichem noch weltlichem, noch in kain andern weg, es wåre denn sach, das sich die selben, es wåre ains ald me, wider in die obgenannten marken und zaichen zugind, husrochig wurdint und hushablich såssind, die söltind denn darnach, wenn solichs beschåch, aber als vil gerechtikait dannenthin in der selben alp haben, als ob sy sich nie über die selben drig marken und zaichen ußgezogen noch veråndert hettind.

Und des alles ze wärem und offen urkund und globlicher gezugknûsse jetzunt und hienach, so hab ich, obgenannter Ülrich von Sax, myn aigen insigel für mich, myn erben und nachkomen offennlich gehenkt an disen brieff. Wân ich, denn obgenante Agnes von Windegke, aigen insigel nit hab, so hab ich mitsammpt dem vorgenanten Ülrichen von Sagx, mynem elichen und lieben gemahel, vlissig gebetten und erbetten den fromen, vesten Hainrichen von Windegke, mynen lieben vettern, das er syn insigel ouch offennlich für mich hieran an disen brieff gehenkt hat, doch im und sinen erben âne schaden. Darunder ich mich, ouch alle myn erben und nâchkomen aller obgenanten ding willenklich verpunden han. Geben uff den nechsten zinstag vor sand Martis tag des jares, do man zalt von der gepürte unsers lieben herren Jhesu Cristi vierzehen hundert und im zway und vierzigosten jären.

[Vermerk auf der Rückseite von Hand des 18. Jh.:] Kaufbrief von der alp Sax

Original: StASG AA 2a U 03; Pergament, 53.0 × 35.5 cm; 2 Siegel: 1. Ulrich VII. von Sax-Hohensax, angehängt an Pergamentstreifen, fehlt; 2. Heinrich von Windegg, angehängt an Pergamentstreifen, fehlt.

Vidimus: (1629 Februar 24) StASG AA 2a U 31; Pergament, 33.0 × 16.5 cm (Plica: 3.5 cm); 1 Siegel: 1. angehängt an Pergamentstreifen, fehlt.